



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavek

Anr.604/2021

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Faton Ademi kryesues, Rrustem Thaçi dhe Adnan Konushevci anëtarë, duke vendlodur përkthitazi me ankesën e Lëvizjes Vetëvendosjes (LVV), me seli në Prishtinë, paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të vendosjes së tendës dhe tavolinave me materiale propaganduese në rrugë publike për qëllime elektorale të subjektit politik LDK, për Zgjedhjet Lokale, që do të mbahen me datë 17.10.2021, në seancën e panelit të mbajtur me datë 30.09.2021, mori këtë:

### VE N D I M

**I. Pranohet** si e bazuar ankesa e subjektit politik Lëvizja Vetëvendosje (LVV), me seli në Prishtinë me Anr. 604/2021 e datës, 29.09.2021, dhe subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për subjektet politike - vendosja e tendave dhe tavolinave me materiale propaganduese, në rrugët publike për qëllime elektorale të subjektit politik LDK, i shqiptohet dënim i më gjobë në shumë prej 5,100.00 (pesë mijë e njëqind) euro, cilën gjobë detyrohet ta paguaj në afat prej 15 (pesëmbëdhjetë) ditëve, nga dita e plotfuqishmërisë të këtij vendimi nën **kërcënim të përmbarimit**.

**II. Urdhërohet** subjekti politik Lidhja Demokratike e Kosovës (LDK), që brenda afatit prej 24 orëve, nga pranimi i këtij vendimi, të përmirësoj shkeljen e përcaktuar, si në pikën -I-, të dispozitivit të këtij vendimi, në të kundërtën mund të sanksionohet me dënim shtesë nga PZAP-i.

### A r s y e t i m

Lëvizja Vetëvendosje (LVV), me datën 25.09.2021, nëpërmjet Postës së Kosovës ka parashtruar një ankesë e cila është pranuar në PZAP me datën 29.09.2021, në të cilën pretendon se me datë 25 Shtator 2021, aktivistet e këtij subjekti rrithën orës 13:00, në Qendrën në Prishtinë, kanë vërejtur se aktivistet e subjektit politik LDK, për qëllime elektorale në rrugët publike kanë vendosur tenda statike, karrige, tavolina me material propagandistik të subjektit të tyre dhe kandidatit për kryetar të komunës së Prishtinës Përparim Rama.

Me këtë rast parashtruesi i ankesës thekson se ky veprim është në kundërshtim me Kodin e Mirësjelljes dhe janë sanksionuara me dispozitën ligjore të nenit 33 pika b) të LZP-së, dispozita të zbatueshme në kuptim të nenit 15 të Ligjit nr. 03/L-072 për Zgjedhjet Lokale në Republikën e Kosovës.

Parashtruesi i ankesës në mbështetje të pretendimeve në ankesë, si dëshmi ka bashkangjitur fotografi të printuara.

Në përgjigjen në ankesë të datës 29.09.2021, subjekti politik LDK e kundërshton pretendimin e subjektit politik LVV dhe thekson se për të gjitha lokacionet e paraqitura në ankesë LDK ka pëlqimin me shkrim të detajuar të lëshuar nga Komuna e Prishtinës – Drejtoria për Shërbime Publike, Mbrojtje dhe Shpëtim, e cila ka marrë parasysh të gjitha rrëthanat e faktet e çdo detaj tjetër kur e ka trajtuar këtë çështje dhe pas analizimit të saj me datën 20.08.2021 sipas referencës numër 07-353/04-165602/21, ka lëshuar pëlqimin për shfrytëzim të këtyre hapësirave vetëm për periudhën e fushatës zgjedhore nga data 16.09.2021 deri me datën 15.10.2021. E njëjtë thekson se Komuna e Prishtinës - Drejtoria për Shërbime Publike, Mbrojtje dhe Shpëtim ka vite që trajton çështje të tillë, ka përvojën në trajtimin e tyre dhe ka parasysh çdo rregullativë zgjedhore, në të kundërtën nuk do të kishte lëshuar pëlqimin e cekur, ngase të tillë mënyra të fushatës janë bërë vazhdimesh, pa ndonjë problematikë, veçse gjithnjë në respektim të kërkeseve të komunës së Prishtinës për respektimin të pikave të cekuar si në pëlqimin e lëshuar, andaj subjekti politik LDK ka respektuar e po respekton në plotni të gjitha rregullat e parapara, qoftë zgjedhore e qoftë masat anti Covid -19, sipas masave të lejuara, ka ndjekur çdo rrugë procedurale edhe për rastin konkret dhe ka marr lejen specifike për zhvillimin e fushatës zgjedhore. Si dëshmi ka bashkangjitur pëlqimin me shkrim Nr.07-353/04-165602/21 të datës 20 gusht 2021 të lëshuar nga Komuna e Prishtinës-Drejtoria për Shërbime Publike, Mbrojtje dhe Shpëtim.

PZAP-i, pasi që shqyrtoj ankesën vlerësoi se:

### Ankesa është e bazuar

Paneli nga fotot e ofruara si provë nga parashtruesi i ankesës, të cilat gjendet në shkresat e lëndës, në mënyrë të padyshimtë, ka konstatuar se tendat dhe tavolinat me material zgjedhor të subjektit politik LDK, janë të vendosura në hapësirat – rrugët publike, veprim ky që është në kundërshtim me nenin 33 pika b) e LZP-së, e cila përcakton “ *Vendosja e njohimeve, plakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve* ”..

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se veprimet e subjektit politik LDK për vendosjen e këtyre tendave nuk janë në kundërshtim, për arsy se vendosja e tyre është bërë me pëlqimin e Komunës së Prishtinës - Drejtorisë për Shërbime Publike, Mbrojtje dhe Shpëtim, të datës 20 Gusht 2021, Paneli pretendimet e tillë i vlerësoj si të pa bazuara dhe si të tillë i refuzoj pasi

që, me këto prova nuk justifikon veprimet që janë të ndaluara dhe në kundërshtim me dispozitat ligjore të Nenit 33 pika b) i LZP-së, ku parashihet se subjektet e certifikuara politike aktivitetet e tyre zgjedhore duhet t'i bëjnë në pajtueshmëri me Rregullat zgjedhore të Komisionit Qendror Zgjedhor (KQZ). Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të janë në një atmosferë të tolerancës demokracisë, paqes dhe respektit për sundimin e ligjit. Paneli vlerësimin dhe vendosjen ne raport me shkeljen e cekur me larte e bazon ne LZP-ne si ligj special ne raport me ligjet tjera ne te cilat mund te gjen mbështetje pëlqimi apo lejimin për shfrytëzimin e hapësirës publike (rruge, sheshe etj.). Me rastin e ekzaminimit dhe vlerësimit te secilës ankesë për shkelje te dispozitave te LZP-se qe i referohet veprimeve te ndaluara te subjekteve politike apo kandidateve te pavarur, me rastin e zhvillimit te fushatës zgjedhore, vlerësimi i pretendimeve ankimore ne raport me këto shkelje i referohet veprimeve te ndërmarra nga subjekti në fjale se a janë ato veprime ne përputhje me dispozitat e LZP-se apo ato veprime a përfshihen ne ndalesat e sanksionuara me ligjin ne fjale.

Pajisja me leje për shfrytëzimin e hapësirës publike, sheshit apo çfarëdo hapësirë tjetër nuk nënkupton se një leje e tillë e amniston subjektin në fjalë nga respektimi respektivisht përbajtja nga kufizimet apo ndalesat e paraparë me dispozita të LZP-së.

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rr Ethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin së subjekti politik LDK, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjtë është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Po ashtu si rr Ethanë PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara. Mos ndërmarrja e masave përmirësuese ka ndikuar në lartësinë e gjobës së shqiptuar si në dispozitiv të këtij vendimi.

Paneli konform nenit 120.1 pika a) të LZP-së urdhëroi subjektin politik LDK, që të marrë masa dhe të përmirësoj shkeljet në afatin prej 24 orëve dhe nëse subjekti politik LDK, nuk vepron sipas urdhrit të panelit do të sankcionohet me dënim shtesë nga PZAP-i, në pajtim me nenin 120.2 të LZP-së.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**

Anr.604/2021 më datën 30.09.2021



**Këshillë Juridike:** Kundër këtij vendimi është e lejuar ankesa sipas nenit 118 paraprak të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimit të këtij vendimi.